

Naučna konferencija:

Tekovine sociološke tradicije: 100 godina od smrti Emila Durkheima

**Fakultet političkih nauka, Univerzitet u Sarajevu
16.11.2017.**

Sažetak uvodnog predavanja:

Značaj Emila Durkheima: njegov rad i zaostavština stoljeće nakon njegove smrti

Prof. dr. Ronan Hervouet, pomoćni direktor Centra Emile Durkheim i profesor Fakulteta za sociologiju Univerziteta u Bordeauxu

Emile Durkheim (1858-1917) smatra se osnivačem francuske sociologije i njegov utjecaj širi se daleko izvan granica Francuske. Preminuo je prije stotinu godina, 15.11.1917. Stoljeće nakon njegove smrti, možemo se pitati šta naša disciplina (sociologija) još duuguje jednom od njenih osnivača? Koja su nova pitanja, i koji novi odgovori, inspirirani njegovim idejama? Kako smo ih prigrlili i koje su njihove teorijske, konceptualne i metodološke posljedice? Šta to savremena sociologija, i zbog čega uopšte, duuguje naučnom radu Emila Durkheima?

U prvom dijelu predavanja analiziraju se razlozi zbog kojih se Durkheim smatra jednim od osnivača sociologije. Njegov rani rad, *Pravila sociološke metode* (1895), predstavlja teorijski traktat i set smjernica za provođenje sociološkog istraživanja. Kratko nako toga, *Samoubistvo* (1897) se pojavljuje kao dokaz praktičnog značaja sociologije. U ovom radu, Durkheim je pokušao demonstrirati moć sociološkog istraživanja za razumjevanje fenomena koji su bili naizgled psihološki, koristeći se društvenim činjenicama kao eksplanatornim varijablama. Konačno, utemeljenje sociologije obuhvaća i aspekt stvaranja durkheimovske škole. Radovi Maurice Halbwachsa i Marcela Maussa su, u tom smislu, od monumentalnog značaja.

Drugi dio predavanja posvećen je razmatranju utjecaja Durkheimove sociološke misli i teorija, razvijenih kroz čitavo XX stoljeće, u spektru drugih paradigmi, funkcionalizma, genetičkog strukturalizma, simboličkog interakcionizma, etnometodologije i, u skorije vrijeme, pragmatične sociologije.

Konačno, u trećem dijelu predavanja analizira se aktualna praktična korisnost i utjecaj Durkheimovih pojmova poput samoubistva, solidarnosti, društvene integracije, rituala, religije, institucije i zločina za savremene sociologe i naučnike u oblasti društvenih nauka.